

漢書食貨志
補邦計彙編
宋書食貨志



三
三
三

三
三
三

三
三
三

三
三
三

三
三
三

三
三
三

三
三
三



邦

計

彙

編

李
維
撰

中
華
書
局

耶計策編

此據學海類編本
影印初編各叢書
僅有此本

邦計彙編

宋 肥鄉李 維仲方撰

天地以生物爲大德聖人以富有爲大業治國務本體
平阜養之和聚人以財貴乎斂施之節食貨之利不亦
博乎攸司之設其來久矣少昊氏以九扈爲九農正隨
其宜以教人事此其始也帝舜命棄播是百穀以爲稷
官命伯益奏庶艱食實山虞之官帝禹代父鯀爲司空
平水土之官以有天下夏商之制方冊紀周文王之
在岐用平水土之法爲治人之道建司馬之法以爲田

制武王成王繼興統緒周公行政厥職大備天官太宰

之屬六府下大夫

爲王治藏之府長若司農矣

掌以九貢九賦九功

之貳以受其貨賄之入頒其貨於受藏之府頒其貨於

受用之府

秦漢以來不置大府然其職在司農少府至梁天監七年始置少府卿

又有玉

府掌王之金玉玩好兵器良貨賄之藏又內府掌受

九貢九賦九功之貨賄良兵器良器以待邦之用又外府

掌邦布之入出以貢百物而待邦之用又有司會中大

夫二人下大夫四人

主天下大計計官之長若尚書矣

掌以九貢之法

致邦國之財用以九賦之法令田野之財用以九功之

法令民職之財用以九式之法均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計又司書掌邦之六典入則九職九正九事邦中之版土地之圖以周知入出百物以敘其財受其幣使入於職幣又職內掌邦之賦入辨其財用之物而執其總以貳官府都鄙之財入之數以逆邦國之賦用又職歲掌邦之賦出以貳官府都鄙之財出賜之數以待會計而放之又職幣掌式法以斂官府都鄙與凡用邦財者之幣振掌事者之餘財又地官大

司徒之職卿一人掌建邦土地之圖其民之教

若戶部尚書也

一云按戶部之職與地官之任雖亦頗同若徵其沿革則戶部合出於度支度支在算計之官算計之任本出於天官之司會矣小司徒之職掌建邦之教法以稽國中及四

郊都鄙之夫家九比之數又卿師之職各掌其所治鄉之教而聽其治以國比之法以時稽其夫家眾寡辨其老幼貴賤廢疾馬牛之物辨其可任者與其施舍者掌其戒令糾禁聽其獄訟又鄉大夫之職各掌其鄉之政教之禁令以歲時登其夫家之眾寡辨其可任者又州長各掌其州之教治政令之法又黨正各掌其黨之政

令教治又族師各掌其族之戒令政事又地官載師掌
任土之法以物地事授地職而待其政令又閭師掌國
中及四郊之人民六畜之數以任其力以待其政令以
時徵其賦又縣師掌邦國都鄙稍甸郊里之地域而辨
其夫家人民田萊之數及其六畜車輦之稽三年大比
則攷羣吏而詔廢置又均人掌均地政均地守均地職
均人民牛馬車輦之力政又司市掌士之治教政刑量
度禁令又質人之成市掌貨賄人民牛馬兵器珍異又
廛人掌斂布紵布總布質布罰布廛布而入於泉府又

胥師各掌其次之政令察其詐僞飾行儻慝者又賈師各掌其次之貨賄之治辨其物而均平之展其成而奠其賈然後令市司競掌憲治之禁令禁其鬪囂者與其齟齬者泉府掌以市之征布斂布之不售貨之滯於民用者司稽掌巡市而察其犯禁者又司關掌國貨之節以聯門市司貨賄之出入者又遂人掌邦之野以土地以圖經田野造縣鄙形體之法又遂師各掌其遂之政令戒禁以時登其夫家之眾寡六畜車輦辨其施舍與其可任者又遂大夫各掌其遂之政令以歲時稽其夫

家之眾寡六畜田野所其可任者又縣正各掌其縣之政令徵比以頒田里以分職事掌其治訟趨其稼事而賞罰之又鄙師各掌其鄙之政令又鄫長各掌其鄫之政令以時校登其夫家比其眾寡又里宰掌比其邑之眾寡與其六畜兵器治其政令又鄰長掌相糾相受又旅師掌聚野之耒粟屋粟閒粟而用之以質劑致民平頒其興積施其惠散其利而均其政令又稍人掌令邱乘之政令又委人掌斂野之賦斂薪芻又土均掌平土地之政以均地守以均地貢又山虞掌山林之政令物

爲之厲而爲之守禁又川衡掌巡川澤之禁令而平其
守又澤虞掌國澤之政令爲之厲禁使其地之人守其
財物以時入於王府頒其餘於萬民又廩人掌九穀之
數以待國之匪頒賜稍食又司稼掌巡那野之稼而
辨種稂以種周知其名與其所宜地以爲法又春人掌
其米物稟人掌其內外朝宥食自天官太宰以下咸有
大夫士府吏胥徒以屬焉諸侯之國則齊用管仲制國
以寓軍政及謹正鹽筴鐵官之數越王句踐用范蠡計
然之術以勝吳魏文侯相李悝作盡地力之教平糴之

法秦孝公任商鞅廢井田制阡陌至始皇并天下有理
粟內史掌穀貨有兩丞少府掌山海地澤之稅以給其
養屬官有太官湯官導官若虛攷上室東織西織東園
匠令丞胞人都水均官長丞又上林十八池監尚方御
府官令皆主貨食工作之事漢高祖封張蒼爲北平侯
遷爲計相能計故號計相一月更以列侯爲主計四歲以列侯典授郡
國傳書又云以其所主因以爲官是時蕭何爲相國而
號與計相同時所卒立非久施也蒼乃自秦時爲柱下史時習天下圖書計籍蒼又善用
算律歷故令蒼以列侯居相府領主郡國上計又有尚

書郎四人內一人主戶口墾田一人主財帛委輸景帝
後元年更名理粟內史爲大農令丞亦二人或謂之中
丞武帝太初元年更大農令爲大司農秩中二千石屬
官有大倉均輸平準都內藉田五令丞幹官鐵市兩長
丞郡國諸倉農監都水六十五官長丞又有搜粟都尉
武帝軍官不常置又都水鐵官兩長丞屬京北尹又左
都水鐵官及長安四市長丞皆屬左馮翊右都水鐵官
屬右扶風孝武帝大興征戊孔僅爲大農上監鐵丞及
東郭咸陽奏置小鐵官使屬在所縣使僅及咸陽乘傳

行天下鹽鐵作官附除故鹽鐵家富者爲吏初大農幹
鹽鐵官布多置水衡欲以立鹽鐵及楊可告緡上林財
物眾乃令水衡主上林上林既充滿乃分緡錢諸官而
水衡少府大僕大農各置官往往卽郡縣北沒入田田
之其沒入奴婢分諸苑養狗馬禽獸及與諸官益雜置
多謂雜置掌厥
官員分事耳後桑宏羊爲治粟都府領大農請置大
農部丞數十人分部主郡國各往往置均輸鹽鐵官其
水衡都尉掌上林苑有五丞屬官有上林均輸御羞禁
圃楫濯鍾官技巧六廩辨銅九官令丞又有衡官水司

空都水農倉甘泉上林都水七官長丞上林有八丞十
二尉均輸四丞御羞兩丞都水三丞禁圃兩尉甘泉上
林四丞元帝時鹽鐵官及比假田官常平倉其後用度
不足獨復鹽鐵官成帝建始六年省技巧六廩官又置
尚書五人其三曰民曹典膳治功作鹽池苑圃之事河
平元年省東織更名西織爲鐵室哀帝初少府省樂府
平帝又置司農部丞十三人八部一州勸農桑矣東漢
承前制大司農卿一人中二千石掌諸錢穀金帛諸貨
幣郡國四時上月旦見錢穀簿其通未畢各具別之邊

邊郡諸官請調度者皆爲報給損多益寡取相給足丞
一人比千石部丞一人六百石部丞帑藏屬官有大倉
令一人主受郡國轉漕穀丞一人平準令一人掌知物
賈練染作采色丞一人藝官令一人主奉御米及作乾
繡丞一人廩犧令一人掌祭祀犧牲鴈鶩之屬丞一人
雒陽市長一人丞一人滎陽敖倉官中興皆屬河南尹
餘均輸等皆省初郡國監官鐵官並屬大司農中興皆
屬郡縣少府卿一人中一千石掌中服御諸物衣服寶
貨珍膳之屬少者小也故稱少府王者以租賦爲公用